



TRISTEZA

ENORME

AYERA NOCHI

NA AEROPUERTO



E PALOMA A BULA BAY

Estando den exterior mi a wordo desperta cu e noticia fatal cu for di un tera leuw, e paloma a bula bay.

Su curpa a bira frieuw, pero cu un curazon cayente e kier a tuma vuelo pa regresa su isla natal.

Boso pura, haci lihe, pa trece na su neshi keri, su dushi cas. Su hendenan cu ansiedad ta warda.

Kibrahacha a bira moli, y a yora sin consuelo.

Den barancanan di Ayo, ainda e eco di su voz ta resona.

"Si mi cay, boso cohe nos bandera y sigui padilanti".

Ki tristeza, cuanto amargura, e paloma pa semper a bula bay!

Su tras ta sigui'e un rieuw di lagrima, forma pa grandi y chiquito, pover y rico, tur cu dolor ta yor'e.

For di tur skina su grandeza ta ser canta: Un Gran Politico... Un Lider Maximo! !

Ami no ta yora e politico. No! ! Mi ta yora e "Amigo" cu pa añanan largo un amistad nos a mantene.

Cuanto vez cu hopi preocupacion mi a pidi'e: "Lubida politica. Biba pa bo cas. Pa bo yiu-nan. Duna mas tempo na bo familia y amigonan".

Su contesta semper: "Mi ta purba, pero mi no por. Mi hendenan mester di mi. Corda cu mi tin un ideal".

Awe ki bai? Hopi sacrificio, gloria y decepcion! !

Leeuw..., for di masha leeuw, e paloma ta bolbe cas pa keda un rato y tuma despedida di su baranca tan stima.

Aruba; bo ta para keto pa tuma den bo seno GILBERTO FRANCOIS (BETICO) CROES, bo yiu tan stima.

Bandera: cu tabata su orgullo, awe bo ta bula tristo. Na bo ta toca e tarea tristo di tapa su cadaver.

Himno: Awe cu dolor nos lo canta bo, pa dun'e honor.

Si el a bringa hasta contra naturaleza, contra Dios si, nos ningun no por.

Kizas ta Dios mes tin mester di un soldat balente. Pesey El a yam'e pa drenta Su ehército celestial.

Paloma, awor bo ta drumi den braza di eternidad. Bo curpa frieuw lo ser dera.

Pero pa bo pueblo cu tanto bo a stima, morto nunca lo bo ta! !

Generacion tras generacion lo recorda bo cu admiracion.

Paloma stima, bula keto bay y encontrabo cu nos bon Dios. Cerca Dj'E lo tin alegria. Eynan lo bo haya felicidad.

Pa bo, den mi curazon ta keda semper un pensamiento, un lagrima, y un oracion.

Paloma, cu leeuw for di cas, for di tera frieuw, pa semper bo a bula bay.

Anna Krozendijk-De Cuba... Nov. 28 1986.



Foto Supershot